

# CUSSEGL GROND

Sessiun da december 2022

## Dumonda Righetti concernent occurrenz betg approvadas

Qua sutvart vegnan citads ils titels da trais contribuziuns cumparidas l'emna passada en differentas medias:

«Giuvna da 19 onns en stadi critic a Bellinzona

La dunna giuvna è vegnida messa a l'ospital da quatter giuvenils che las autoritads han pudì identifitgar en il fratemp».

Corriere del Ticino 27-11-2022

«Giuvna da 19 onns en stadi preoccupant en l'ospital, eventualmain suenter ina party da rave

Quatter giuvenils, ch'èn en il fratemp vegnids identifitgads, han mess ella a l'ospital San Giovanni. Els vegnivan d'ina party organisada illegalmain a Roveredo».

La Regione 27-11-2022

«Bellinzona, giuvna da 19 onns morta

La dunna giuvna, ch'era vegnida messa a l'ospital San Giovanni la dumengia suentermezdi, è morta. Il vehichel utilisà è immediatamain charrà vinavant vers nord».

RSI News 28-11-2022

Tenor infurmaziuns publitgadas en las medias ha gè lieu la fin d'emna passada – la notg dals 26 als 27 da november – ina party da rave betg approvada en la vischinanza dal mir da serra da Roggiasca en la Mesolcina. A la party duain circa tschient persunas, per part er minorennas, avair participà.

Las consequenzas negativas da festas betg approvadas èn multifaras; tar l'eveniment dacurt capità èn las consequenzas ordvart tragicas.

En l'Italia èn l'organisaziun e la participaziun a scuntradas privlusas chastiablas dapi l'october 2022, cunzunt per ils organisaturs.

Cun regard a las consequenzas negativas da talas occurrenz ed a las mesiras prendidas dal stadi talian, q.v.d. da ses nov decret da lescha (guardar «decreto rave party»), sco er resguardond noss spazi da viver cun blers lieus periferics, ma tuttina accessibels, q.v.d. in territori che porscha las meglras premissas per occurrenz betg approvadas lunsch davent da sguards esters, vegnan tschentadas las suandantas dumondas a la Regenza:

1. Co giuditgescha ella quest gener d'incident sin territori chantunal?
2. Prevesa la Regenza da realisar mesiras che han la finamira da percorscher preventivamain l'organisaziun d'occurrenz betg approvadas?
3. È la Regenza da l'avis che las basas giuridicas e las controllas actualas respectivas tanschan per proteger la sanadad publica dals giuvenils, che participeschan a talas occurrenz?

Cuira, ils 7 da december 2022

**Righetti**, Censi, Degiacomi, Atanes, Bergamin, Berther, Berweger, Bettinaglio, Binkert, Brunold, Bürgi-Büchel, Collenberg, Cramer, Della Cà, Derungs, Epp, Furger, Gansner, Jochum, Kocher, Kohler, Mani, Menghini-Inauen, Messmer-Blumer, Michael (Donat), Michael (Castasegna), Schneider, Schutz, Spagnolatti, Ulber, Wieland, Zanetti (Sent), Zindel